



Broj: 03-11-7-441-10/25
Datum: 14.04.2025. godine

Na osnovu člana 69. stav (1) pod b) i stav (2) pod d) i člana 70. stav (4) i 71. Zakona o javnim nabavkama („Sl. glasnik BiH“, br: 39/14, 59/22 i 50/24), a na prijedlog Komisije za javnu nabavku usluga, broj: 03-11-7-441-9/25 od 14.04.2025. godine, direktor Agencije za državnu službu Federacije BiH, d o n o s i

O D L U K U

o poništenju postupka javne nabavke usluga preseljenja sjedišta Agencije u Sarajevu

Član 1.

Poništava se postupak javne nabavke usluga preseljenja sjedišta Agencije za državnu službu Federacije BiH iz objekta u ulici Alipašina broj 6, Sarajevo, u poslovni prostor u ulici Kolodvorska broj 6, u Sarajevu sa namjerom provođenja e-aukcije, u skladu sa članom 69. stav (2) pod d) Zakona o javnim nabavkama („Službeni glasnik BiH“, br: 39/14, 59/22 i 50/24).

Član 2.

Za izvršenje ove odluke zadužuje se Odjeljenje za zajedničke poslove Agencije za državnu službu Federacije BiH.

Član 3.

Ova odluka se dostavlja ponuđaču koji je učestvovao u postupku javne nabavke, u skladu sa članom 71. Zakona o javnim nabavkama.

Ova odluka objavit će se na web-stranici Agencije za državnu službu Federacije BiH, www.adsfbih.gov.ba, u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 03-11-7-441/25 od 27.03.2025. godine. Javna nabavka je pokrenuta putem konkurentskog zahtjeva za dostavljanje ponuda. Procijenjena vrijednost javne nabavke bez PDV-a je 12.000,00 KM.

Obavijest o nabavci, broj: 167-7-2-28-3-18/25 objavljena je na Portalu javnih nabavki, dana 31.03.2025. godine.

Komisija za javnu nabavku usluga preseljenja sjedišta Agencije, imenovana Rješenjem direktora Agencije, broj: 01-11-7-361/25 od 11.03.2025 godine, izvršila je otvaranje, te pregled i ocjenu zaprimljenih ponuda, prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 2 (dvije);
- da su pristigle ponude blagovremeno zaprimljene;
- da nije bilo neblagovremenih ponuda;

Alipašina 6, 71.000 Sarajevo

+387 (0) 33 552 040

info@adsfbih.gov.ba

www.adsfbih.gov.ba; www.hrm.adsfbih.gov.ba





- da je jedna ponuda neprihvatljiva;
- da je jedna ponuda neprihvatljiva i nepravilna;

Na osnovu člana 17. stav 1. Uputstva za pripremu tenderske dokumentacije i ponuda ("Službeni glasnik BiH, br. 90/14 i 20/15) Komisija je pristupila ocjeni i validnosti dokumentacije pristiglih ponuda ponuđača i konstatovala slijedeće:

- **Ponuda ponuđača Kristal doo Sarajevo, broj: 83/25 - H od 09.04.2025. godine je neprihvatljiva, iz slijedećih razloga:**

Dana 11.04.2025. godine, ponuđaču Kristal doo Sarajevo upućen je, putem e-mail-a, Zahtjev, koji je sastavni dio ovog zapisnika, broj: 03-11-7-441-6/25 za ispravku računске greške iz Ponude, broj: 83/25 - H od 09.04.2025. godine, i to:

U navedenoj ponudi, u Aneksu 2 - obrazac za cijenu ponude, redni broj 2 tabele, upisana je jedinična cijena od 1.375,00 KM po komadu, što ukupno iznosi (1375,00*550 komada) 756.250,00 KM bez PDV-a, čime bi ukupna cijena Ponude (sabiranjem stavke r.b. 1 i stavke r.b. 2) iznosila 766.650, 00 KM bez PDV-a, a što je više od procijenjene vrijednosti predmetne nabavke.

Dana, 11.04.2025. godine, putem e-maila, dostavljen je dopis ponuđača Kristal doo Sarajevo, broj: 149/25 od 11.04.2025. godine, koji je sastavni dio ovog zapisnika, kojim Ponuđač ne prihvata ispravku računске greške, navodeći da je u predmetnoj ponudi, u tabeli Aneks 2 – Obrazac za cijenu ponude učinjena greška u pisanju zareza jedinične cijene. Obzirom da se radi o ispravci jedinične cijene, što nije dozvoljeno, u skladu sa članom 17. stav (5) Uputstva za pripremu modela tenderske dokumentacije i ponuda („Sl. glasnik BiH“, br: 90/14 i 20/15), a što je navedeno i u tenderskoj dokumentaciji, broj: 03-11-7-441-3/25 , Aneks 2 – Obrazac za cijenu ponudu :

3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.

4. Jedinična cijena stavke se ne smatra računskom greškom, odnosno ne može se ispravljati.

U skladu sa članom 68. pod g) Zakona o javnim nabavkama BiH („Sl. glasnik BiH“, br: 39/14, 59/22 i 50/24), razlozi za odbacivanje ponude, navedno je da je ugovorni organ dužan odbaciti ponudu ukoliko ponuđač nije pisanim putem prihvatio ispravku računске greške.

Na osnovu navedenog Komisija konstatuje da je Ponuda ponuđača KRISTAL d.o.o. Sarajevo neprihvatljiva jer prelazi procijenjeni iznos nabavke, a u skladu sa članom 2. stav (I) pod 2 Zakona („Sl. glasnik BiH“, br: 39/14, 59/22 i 50/24), gdje je navedeno da je neprihvatljiva ponuda je ponuda čija cijena prelazi planirana, odnosno osigurana novčana sredstva ugovornog organa za nabavku.

Komisija konstatuje i da Ponuda navedenog ponuđača ne može učestvovati u daljem postupku javne nabavke, u skladu sa članom 68. pod g) Zakona o javnim nabavkama BiH („Sl. glasnik BiH“, br: 39/14, 59/22 i 50/24), gdje se navodi da je ugovorni organ dužan odbaciti ponudu ukoliko ponuđač nije pisanim putem prihvatio ispravku računске greške.

- **Ponuda ponuđača Zapp Oil d.o.o. Sarajevo, od 09.04.2025. godine je ocijenjena kao neprihvatljiva i nepravilna, iz slijedećih razloga:**

Komisija je pregledom ponude ponuđača Zapp Oil doo Sarajevo, od 09.04.2025. godine, ustanovila, da predmetna ponuda ne sadrži dokaz da je ponuđač registrovan za obavljanje djelatnosti koja je predmet ove nabavke, tražen tačkom 3.6. Tenderske dokumentacije, broj:

📍 Alipašina 6, 71.000 Sarajevo

☎ +387 (0) 33 552 040

✉ info@adsfbih.gov.ba

🌐 www.adsfbih.gov.ba; www.hrm.adsfbih.gov.ba





03-11-7-441-3/25. u tenderskoj dokumentaciji, pod tačkom 3. – Uslovi za učešće i potrebni dokazi, tačka 3.6., koja glasi:

3.6. SPOSOBNOST OBAVLJANJA PROFESIONALNE DJELATNOSTI (u skladu sa članom 46. Zakona)

Ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja prava na obavljanje profesionalne djelatnosti, u skladu sa članom 46. Zakona o javnim nabavkama BiH, ponuđači su dužni dostaviti dokaz o registraciji u relevantnom profesionalnom ili trgovačkom registru u zemlji u kojoj su osnovali firmu ili dostaviti posebnu izjavu ili referencu kojom se dokazuje njihovo pravo da se profesionalno bave djelatnošću koja je u vezi sa predmetom nabavke.

Dokaz o registraciji predstavlja: Rješenje o upisu u sudski registar ili Aktuelni izvod iz sudskog registra ili ekvivalentan dokumenat iz kojeg je vidljivo da je ponuđač registrovan za obavljanje profesionalne djelatnosti koja je u vezi sa predmetom nabavke. Navedeni dokaz o registraciji mora nedvosmisleno sadržavati elemente koji pokazuju da je ponuđač u vrijeme predaje ponude registrovan za predmetnu djelatnost.

Ukoliko ponudu dostavlja grupa ponuđača, svaki član grupe mora biti registrovan za obavljanje djelatnosti koja je predmet nabavke.

Dokazi se dostavljaju u originalu ili ovjerenoj kopiji. Dostavljeni dokazi se priznaju bez obzira na kojem nivou vlasti su izdati.

Pregledom Ponude ponuđača Zapp Oil doo Sarajevo, Komisija je konstatovala da ponuđač u svojoj ponudi nije dostavio dokaz kojim dokazuje da je registrovan za obavljanje predmetne djelatnosti.

Daljim pregledom predmetne ponude ponuđača Zapp Oil doo Sarajevo utvrđeno je da Ponuda nije ispravno numerisana, odnosno, Ponuda je numerisana od rednog broja 1.do 7., zatim, između stranice broj 7. i stranice broj 8. nalazi se list papira koji nije numerisan, na kojem sa nalazi ovjera Notara Kaseme Čatović, OPU-OV 1488/2025 od 09.04.2025. godine, kojom se navodi da se ovjerava Izjava o ispunjenosti uslova iz člana 45. stav (1) tačke a) do d) Zakona o javnim nabavkama, (nema broja nabavke, niti broja obavještenja, niti bilo koje naznake da se radi o ovjeri Izjave iz člana 45. predmetne nabavke), zatim se nastavlja numeracija ponude od rednog broja 8. do 15. Komisija konstatuje da su tri lista: Aneks 3. Izjava iz člana 45 Zakona (printana na dvije stranice) i treći list notarske ovjere uvezani jemstvenikom.

Članom 10. Tenderske dokumentacije – Priprema ponude, između ostalog, propisano je da: „Sve stranice ponude moraju biti numerisane na način da je vidljiv redni broj stranice ili lista u skladu sa članom 8. stav 6. i 7. Uputstva za pripremu tenderske dokumentacije i ponude. Kada je ponuda izrađena od više dijelova stranice se označavaju na način da svaki slijedeći dio započinje rednim brojem kojim se nastavlja redni broj stranice kojom završava predhodni dio. Izuzetno od navedenog, ponuda neće biti odbačena ukoliko su stranice ponude numerisane na način da je obezbijeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji.”

Članom 58. stav 2) Zakona, propisano je da Ponuda mora biti čvrsto uvezana i sve strane ponude numerirane (izuzev dokaza o garanciji iz stava (1) tačka b) ovog člana, te štampane literature, brošura, kataloga i sl.).

Na osnovu gore navedenog, Komisija je ponudu ponuđača Zapp Oil d.o.o. Sarajevo ocijenila kao neprihvatljivu, u skladu sa članom 2. stav (I) pod 2. Zakona o javnim nabavkama BiH („Sl.



glasnik BiH", br: 39/14 , 59/22 i 50/24), uzevši u obzir da ponuđač nije ispunio uslove za kvalifikaciju jer nije dostavio nikakav dokaz da je registrovan za obavljanje djelatnosti koja je predmet nabavke, a tražen tačkom 3.6. Tenderske dokumentacije i nepravilnu, obzirom da sve strane Ponude nisu numerisane, nema kontinuiteta u numerisanju predmetne ponude, čime je prekršen član 58. stav (2) Zakona o javnim nabavkama BiH („Sl. glasnik BiH“, br: 39/14 , 59/22 i 50/24).

U postupku donošenja ove odluke, Direktor Agencije nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.


Ocijenjeno je da je Komisija u svemu pravilno postupila te da je Odluka za poništenje postupka nabavke u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav 2) tačka d) Zakona o javnim nabavkama BiH, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi Bosne i Hercegovine, putem ugovornog organa Agencije za državnu službu Federacije BiH (Alipašina broj 6, Sarajevo), najkasnije u roku od 5 (pet) dana od dana prijema iste, na način propisan Zakonom o javnim nabavkama („Službeni glasnik BiH“, br: 39/14, 59/22 i 50/24) .

Žalba se podnosi u najmanje 3 (tri) primjerka.



DIREKTOR

Refik Begić, magistar uprave

Dostaviti:

- Ponuđačima
- Odsjeku za računovodstveno-finansijske poslove
- u spis predmeta
- a/a

